

TIMBAL (Antoine), notaire de Villemur, minutes 1608-1610, Archives départementales de la Haute-Garonne, cote 3E 26891, f° XIII & ss., PH/JCHR/9880.

Accord entre Jean mestre et Anne gontaude
jeune

Comme ainsi soit que guillaume e(t) Jean gontautz comme
tuteurs de **Anne** et autre **Anne Gontaude s(o)eurs filles a feu
Berenguier gontaud** en son() vivant boucher de Villemur, incontinant
aprez() le deces d() icell(uy) eusent faict fer(e) invente(re) des biens et() heredité

.....
xx iiii

dud(it) /feu/ Gontaud et iceulx mis en generale distribu(ti)on en() la co(u)r
ordine(re) dud(it) Villemur en laquelle instance e(t) sur les opp(ositions) formees
par les creanciers dud(it) feu gontaud mesme par lesd(ites) Gontaudes
a cause des droicts e(t) sommes de den(iers) quelles prethendent avoir
sur lesd(its) biens comme heritieres de feue **Bonne de novalhan le(ur)
mere Jeanne de Benasech le(ur) ayeulle maternelle** e(t)() de feue **Jeanne
de Benoist le(ur) grand mere** ./ e(t) poursuivant po(ur) elles **Jean
mestre** comme **mary de lad(ite) Anne Gontaude vie(i)lle** aprez avoir
esté procedé a divers actes , **senten(ce)** auroit este donnee par
le juge dud(it) villemur **du xie febvrier m vi^c** portant allocqu(ati)on
desd(its) creanciers de() laquelle lesd(ites) gontaudes se sentans
grevees auroient appellé e(t) relevé en() la co(u)r de Mr le sen(ech)al de th(oulous)e
sur lequel /appel/ auroit este faicte longue poursuicte et ayans tous
lesd(icts) crean(ciers) este appelléz e(t) faict foy de leurs debtes e(t) yppothecques
en() la(dite) co(u)r par le **septie(me) juin mvi^c deux** par laquelle est
porté avoir esté mal jugé et ordonné par led(it) juge et bien
appellé par lesd(ites) gontaudes la cause retenue et qu() en icelle tous
e(t) chacuns les biens dud(it) feu Gontaud seront vendus po(ur) des den(iers)
en provenans dixtraict au prealable les frais de() justice envers
ceulz quy() les auroient exposéz , lesd(ites) gontaudes e(t) lesd(icts) crean(ciers)
estre payéz de leurs debtes suivant la priorité de() leurs yppotecques
lesquelles sont rangees par ordre en() lad(ite) senten(ce) suivant laquelle
lesd(ites) gontaudes auroient faict saisir e(t) inquanter lesd(its) biens
e(t) iceulz encheris et() mis a la som(me) de cinq cens septante neuf
livres e(t) sur ce obtenu senten(ce) d() adjudica(ti)on de decrect desd(its) biens
po(ur) lad(ite) som(me) saulf la surcrea(nce) de quarante e(t) quinze jours
et a suicte a faulte d() au(tr)e surdisant auroient esté mises en la
realle actuelle e(t) corporelle poss(ession) desd(its) biens lesquels
elles auroient prins po(ur) la somme de six cens cinquante quatre
livres sceize soulz deux deniers / qu() elles avoient sur lesd(its) biens

.....
scavoir la somme de cent quatre vingtz quatorze livres sceize
soulz deux den(iers) les frais et despens exposéz par lesd(ites)

gontaudes et par led(it) mestre en lad(ite) instan(ce) a distribu(ti)on auroient esté taxéz et moderez et desquelz elles auroient esté allouees par lad(ite) senten(ce) en premier lieu / et po(ur) la som(me) de dix huict livres par icell(ui) mestre payés a feu estie(nne) blanchard alloué en second lieu / comme aussi po(ur) la som(me) de vingt livres par elles ou led(it) mestre payee a m(aîtr)e anthoine david prat(icien) comme mary d ysabeau de villeneufve allouee en troisie(me) lieu ainsi qu'auroient faict apparoir de leurs quictan(ce) et la somme de quatre cens vingt trois livres a laquelle lesd(ites) gontaudes auroient esté allouées par lad(ite) senten(ce) d allocqua(ti)on comme herit(ières) desd(ites) de noahan de()benasech et de benoist revenant lesd(ites) sommes a lad(ite) somme de vi^c liiii l(ivres) xvi s(ols) ii d(eniers) po(ur) laquelle instrument judiciaire de decrect le(ur) auroit esté passé et expedyé la quatrie(me) febvrier mil six cens trois signé daniel gressy aprez lequel voulant led(it) jean mestre estre payé tant desd(its) frais et despens q(ue) desd(ites) sommes par luy payees ausd(its) blanchard et david montans a la somme de deux cens trente deux livres sceize soulz deux den(iers) ensemble de **quinse livres dix soulz** qu()il auroit payé **po(ur) l expedi(ti)on** dud(it) decrect en **parchemin** et de deux livres par luy payees a m(aîtr)e **hilaire seigne advocat** desd(ites) gontaudes en lad(ite) cour ord(inaire) de villemur po(ur) ses dicttes escriptures et vacqua(ti)ons exposees aud(it) procez / montant le tout a la somme de deux cens cinquante huict livres six soulz deux den(iers) auroir formé instan(ce) en lad(ite) co(ur) ord(inaire) dud(it) villemur contre lad(ite) anne gontaude jeune a ce qu()il luy fust permis de f(air)e mettre et exposer en vente desd(its) biens d'icelluy po(ur) son paye(men)t e(t)rembourse(men)t e(t)jusques a concurean(ce) de lad(ite) som(me) sur quoy lad(ite) gontaude ou led(it) m(aîtr)e hilaire seigne son curate(ur) ayant este ouy senten(ce) auroit esté donnee par led(it) juge le huictie(me)

.....

xxv

dud(it) mois de febvrier par laquelle estoit ordonné qu()il estoit permis aud(it) mestre de f(air)e exposer en vente des biens contenus aud(it) decrect jusques a concurran(ce) desd(ites) sommes si mieulx lad(ite) gontaude ou son curate(ur) n'aymoient luy bailler de bien en paye(men)t po(ur) icelles som(m)es au dire et estima(ti)on d()expertz des quelz parties commendroient dans trois jours au(tr)ement en sauroient prins d()office avec despens suivant laquelle senten(ce) , parties auroient convenu d()expertz sçavoir po(ur) l()estima(ti)on de la ma(is)on jean la croix barthelley gallan fustiers et anthoine rat masson e(t)po(ur) l estima(ti)on de pieces jean bonnet et jean escrosalhes travaille(ur) de villemur lesquelz apréz avoir presté serement et este receus auroient procedé a la vizite et estima(ti)on de certains biens tout ainsi qu()est contenu en leurs rella(ti)ons du treitzie(me) febvrier m(il) vi^c trois et vingt sixie(me) octobre m(il) vi^c quatre remises devant led(it) juge / en consequence des quelles led(it) mestre auroit poursuyvie lad(ite) gontaude a ce qu()elle fust

tenue de luy passer judicialement instrument de vente des biens
contenus ausd(ites) rella(ti)ons suivant l()estima(ti)on desd(its) expertz et po(ur)
oster toute difficulté et empeschement a lad(ite) gontaude luy auroit
rendu compte e(t) presté le relicqua de l administra(ti)on par luy
faicte de()ses biens lesquelz comptes clos et arrestéz
par jacques agar pie(rre) verdier mar(ch)ans expertz nommez et accordez
par parties et m(aîtr)e ysaac solier prat(icien) tiers descize(urs) lad(ite) gontaude
auroit estee treuvee debiteresse po(ur) ra(is)on d iceulz envers led(it)
mestre en la somme de treitze livres sept soulz unse den(iers)
ainsi qu'appert de le(ur) rella(ti)on au pied desd(its) comptes du v^e jan(vi)er
m(il) vi^c sept le payement de()laquelle ensemble la passa(ti)on
dud(it) instrument ou vente desd(its) biens icell(ui) mestre poursuivoit
conjointement / ayant faict taxer et moderer les despen(s)
portéz par lad(ite) senten(ce) du viii^e febvrier m(il) vi^c iii a la som(m)e
de dix sept livres cinq soulz huict den(iers), ainsi qu'appert du

.....

taxat aict par sabatery lieuten(ant) pie(rre) seigne curate(ur) de
lad(ite) gontaude escript au pied du roolle baillé par led(it)
mestre datté du xxiii^e mars aud(it) an m(il) vi^c vii de sorte
que po(ur) ra(is)on de ce lesd(ites) parties estoient en voye de s exposer
en de plus grands frais et despens / de quoy desirant se
redimer et vivre en amityé e(t) fraternité ensemble de l advis
et entremise de leurs commungs amis e(t) parens sont venus
a accord et convention dont ne reste que passer instrument
pour ce est il que **ce() jourd'huy dixiesme** du mois
de **febvrier mil six cens huict** soubs le regne de n(ot)re
prince souverain henry quatrie(me) de ce nom par la grace de
dieu roy de france et de navarre **a villemur** avant midy
au dioce(se) bas montauban e(t) sen(echau)cee de th(ou)l(ous)e par devant moy
not(aire) royal soubs(sig)ne dans mon habita(ti)on ont esté en
personne led(it) jean mestre tant en son nom propre q(ue)
comme mary et conjointe personne de anne gontaude
plus vieille a laquelle promect f(air)e rattifier quand en sera
requis d'une part et lad(ite) anne gontaude jeune sa
belle()s(o)eur d au(tr)e / lesquelz de leur bon gré e(t) franche volonté
ont transhigé accordé et arreste que icelle gontaude
reconoissant lesd(ites) sommes estre legitiment deues aud(it) mestre
et avoir esté par luy fournies et avancees po(ur) la poursuite
e(t) recouvrement des biens et droictz a elle et a sad(ite) s(o)eur apparten(ant)
ensuivant lad(ite) santen(ce) dud(it) juge du huictie(me) febvrier m(il) vi^c iii
et conformement aux rella(ti)ons des susd(its) expertz, par la
teneur du p(re)sent instrument elle a baillé et baille aud(it) mestre
son beau()fre(re) ~~jen sœur~~ et des maintenant luy cede quicte vend
et delaisse po(ur) son regard et en ce que la concerne soubs les
condi(ti)ons cy aprez speciffiees po(ur) sollu(ti)on e(t) payement tant de
lad(ite) som(m)e de deux cens cinquante huict livres six soulz deux
den(iers) des frais de justice dud(it) decrect e(t) sommes payees aux crean(ciers)
susd(its) par led(it) mestre que de lad(ite) som(m)e de dix sept livres cinq soulz

.....

huict den(iers) des despens de lad(ite) senten(ce) montant le tout deux cens septante cinq livres unse soulz dix den(iers) deue par lad(ite) gontaude et sad(ite) s(o)eur en commung aud(it) mestre sçavoir est les biens visitez et estimés par les susd(its) expertz estans aussi indevis et commungs entre elle e(t) sad(ite) s(o)eur le(ur) ayant este adjudgé par le susd(it) decret / tout ainsi / et en l estat/ que sont desnommés et speciffiez aux rella(ti)ons desd(its) expertz , et que sont cy aprez mentionnez premiere(men)t **une maison** assize dans l()enclos de la p(rese)nt ville de villemur **rue** appellee **de castelpalhas** confron(tant) avec icelle rue avec au(tr)e rue appellee d()hannou et avec ma(is)on des her(itier)s a feu anthoine cade estimee icelle ma(is)on par les susd(its) galan lacroix fustiers e(t) rat masson par leur rella(ti)on dud(it) xiiiie febvrier m(il) vi^c iii en l estat qu estoit estant fort ruynee et ayant grandement besoin d()estre reparee a la somme de cent deux livres dixtraictes les repara(ti)ons lesquelles lesd(its) expertz speciffient par le menu ^{^o} / plus la **grange avec les pattus et codercz** en deppendans que lesd(ites) gontaudes auroient **au lieu du terme** conten(ant) icelle grange six cannes et demy de long dans euvre et de large vingt deux pams aussi dans oeuvre confrontant avec **le grand chemin tendant a manhanac** avec codercz de gabriel chambert / laquelle grange avec lesd(its) codercz lesd(its) expertz estiment par leurd(ite) rella(ti)on eu esgard que les paroitz estoient ruynees a la som(m)e de soixante livres t(ournoi)z item une piece de vigne e(t) pred tout joignant assize dans la **parroisse de canet** vignoble de villemur terroir nommé **al cap de la coste** conten(ant) six rasades ou environ et ce que contient son plus ou moings confrontant de /cime/ deux partz a vec le **grand chemin** tendant dud(it) **villemur a la forest** du fonds avec terre e(t) pred de **l hospital** de villemur / et des au(tr)es deux partz avec vignes des er(itier)s de jean gontaud]et[icelle piece estimee et apprecyee par lesd(its) bonnet et escrosalhes expertz susd(its) a la som(m)e de cent ^{^o} en leurd(ites) rella(ti)ons

.....

dix sept livres t(ournoi)z montant e(t) revenant l entier pris et estima(ti)on desd(ites) ma(is)on grange et vigne a la somme de]cent dix sept livres t(ournoi)z[deux cens septante neuf livres t(ournoi)z po(ur) laquelle led(it) mestre prend et accepte lesd(its) biens avec leurs au(tr)es meilleures confront(tation)s entrees yssues droictz de servitudes et au(tr)es apparten(ances) d'iceulz a la charge aussi de payer doresnavant les tailles ensemble l oblye et au(tr)es charges, toutesfois lad(ite) gontaude po(ur) son regard les luy doibt tenir quictes et deschargees de tout arrerages jusques au jo(ur) p(rese)nt / et lad(ite) som(me) de

deux cens septante neuf livres du pris desd(its) biens esgallee et
compencee par lesd(ites) parties avec la susd(ite) som(me) de deux cens
septante cinq livres unse soulz deux den(iers) deue ausd(it) mestre
par lesd(ites) gontaudes s(o)eurs se treuve que le pris d()iceulz biens
excede icelle som(me) de trois livres huit soulz dix den(iers) la
moityé de quoy icell(ui) mestre]par[qu()est xxxiiii s(ols) v d(eniers) led(it) mestre
prend et tient en compte a lad(ite) gontaude sur la susd(ite) som(m)e de
treitze livres sept soulz unse den(iers) en quoy elle luy est tenue en
son par(ticuli)er par l arrest et closture de ses d(its) comptes le restant
de laquelle qu()est]doutze[unse livres treize soulz six den(iers) lad(ite) gontaude
sera tenue e(t))promect payer aud(it) mestre lors qu('i)lz viendront a
diviser les au(tr)es biens communs /entr()eulz/ moyennant ce dessus lesd(ites) parties
demeurent respectivement quictes contantz e(t))satisfaitz l'un envers
l au(tr)e des sommes et aff(air)es sus mentionnez e(t))promettent ne
s en rien plus demander et des susd(its) biens lad(ite) gontaude et
led(it) mestre par le bail de la cede du p(rese)nt inst(rument) faict en ses
mains en signe de vraye et legitime poss(essi)on po(ur) les tenir jouyr
e(t))posseder par icell(ui) mestre et en f(air)e comme un ch(ac)un faict de
sa cause propre, si est pacte convenu et arreste que lad(ite)
gontaude aura faculté e(t))pouvoir de rachepter et recouvrer des
mains dud(it) mestre quand bon luy semblera sa part et moityé desd(its)
biens et de ch(ac)une piece en par(ticuli)er en rendant la moityé du pris
suivant lad(ite) estima(ti)on e(t))payant aussi les repara(ti)ons meliora(ti)ons
et loyaulz coustz que led(it) mestre aura faictz ausd(its) biens ou a la piece

.....
xxvii

qu()elle recouvrera promettant aussi lad(ite) gontaude d()evictioner et
garentir led(it) mestre po(ur) sa part et moytye desd(its) biens envers et
contre tous q(ue) y demanderoien(t) rien au possessoire ou petitoire
en jugement et dehors et ce dessus led(it) mestre faict sans
aucunement se despartir ny prejudicier du droict action et ypothecque
qu()il a sur lesd(its) biens et au(tr)es apparten(ances) ausd(ites) gontaudes s(o)eurs
en vertu des susd(ites) senten(ces) et au(tr)es actes sus mentionnez
l execu(ti)on desquelz il se reserve par expréz au cas il y
fauldroit recourir et po(ur) tout ce dessus observer et garder
lesd(ites) parties ont respectivement obligéz et ypothecquez leurs
biens etc soumis etc renon(cé) etc juré p(rese)ns meric devic
habit(ant) de villemur jean chaubard d(it) las tours habit(ant) de la rocqu[ette]
pie(rre) ratyé de vill(emu)r ycy signez lesd(ites) parties ne sçaven(t)

Meric Devic P. Ratye, p(rese)nt Chaubard

Timbal, not(aire) roy(al)

Le **xiiii^e juin** an susd(it)
m(il) vi^e viii avant midy

a villemur a este en
personne led(it) jean
mestre lequel a decl(ar)e
estre payé e(t)satisfait
de lad(ite) anne gontaude
sa belle s(o)eur presante
par mains de **blaize**
mestre fre(re) dud(it) jean
illec p(rese)nt de la som(me)
de unze livres treictze
soulz six den(iers) qu()elle
luy debvoit po(ur) les
causes et ra(is)on contenues
en cest instrument
de laquelle a quicte et
quicte lad(ite) gontaude
et a consenty que le
p(rese)nt inst(rument demeure po(ur)
resollu et cancellé en
ce q(ue) porte debte de lad(ite)
som(m)e de xi l(ivres) xiii s(oulz) vi d(eniers)
le surplus demeurant
en sa force et valle(eur)
et led(it) payement led(it)
blaize mestre faict suivant
l instrument entr'eulz
faict e(t)passé receu par
moy not(aire) ce()jourd huy
ainsi a este convenu
e(t)promis observer soubs
obliga(ti)on de le(urs) biens
p(rese)ns bertrand crusel
de vill(emu)r pie(rre) bernard
de manhanac ne scaichant
escrire ny lesd(ites) parties
Timbal, not(aire) roy(al)